

**Najib, Rosmah Hos Jamuan Rai Kedatangan Peserta Sidang Kemuncak Global Wanita
Bernama
6 June, 2013**

PUTRAJAYA, 6 Jun (Bernama) -- Perdana Menteri Datuk Seri Najib Tun Razak dan isteri Datin Seri Rosmah Mansor menghoskan jamuan malam mengalu-alukan kedatangan peserta sempena Sidang Kemuncak Global Wanita 2013 di Seri Perdana, di sini Khamis malam.

Rosmah merupakan pengerusi sidang tersebut.

Seramai 1,100 perwakilan dari 70 negara hadir di jamuan tersebut termasuk Presiden Kosovo Atifete Jahjaga, naib presiden Vietnam Nguyen Thi dan Wanita Pertama Laos, Keosaychay Sayasone.

Terdahulu, Najib merasmikan sidang tiga hari tersebut bertemakan 'Wanita: Mewujudkan Ekonomi Baharu' di Kuala Lumpur.

Malaysia selaku tuan rumah berhasrat untuk menyediakan platform bagi meneroka strategi praktikal dan amalan terbaik dalam memajukan peluang ekonomi wanita di seluruh dunia.

Antara agenda yang berlangsung pada sidang kemuncak itu ialah sesi pleno mengenai trend perniagaan serantau dan global, forum ketua pegawai eksekutif, forum usahawan dan strategi praktikal untuk pertumbuhan, sesi pembinaan skill dan peluang mewujudkan rangkaian perniagaan.

--BERNAMA

Copyright © 2013 BERNAMA

Source: <http://www.bernama.com/bernama/v7/bm/newsindex.php?id=954561>